

CYNGOR SIR CEREDIGION

Adroddiad i'r: Cabinet

Dyddiad y Cyfarfod: 13/07/2021

Teitl: Yr Alldro Refeniw Rheoladwy ar gyfer 2020/21

Pwrpas yr Adroddiad: Adrodd ar sefyllfa Alldro derfynol y gyllideb

Er: Gwybodaeth

Portffolio Cabinet ac Aelod Cabinet: Cyllid a Chaffael
Y Cyngorydd Gareth Lloyd

1. CRYNODEB

Mae'r adroddiad hwn yn rhoi gwybodaeth i'r Cabinet am y Gyllideb Refeniw Rheoladwy derfynol ar gyfer holl wasanaethau'r Cyngor ar gyfer 2020/2021. Roedd yr adroddiad monitro diwethaf am y cyfnod hyd at 31/12/2020 yn rhagweld tanwariant o £301k ar gyfer y flwyddyn.

Y sefyllfa derfynol yw bod tanwariant o £113k ar Wasanaethau ac, ar y cyd â £376k dros ben wrth gasglu Treth y Cyngor, mae hyn wedi arwain at gynydd o £489k yn y Balansau Cyffredinol, a fydd yn codi i £6.052m. Mae'r ffigwr hwn yn cyfateb i 3.9% o Gyllideb 2021/22 ac yn agos at ganol y targed o rhwng 3% a 5%. Mae perfformiad 2020/21 yn dangos fod sefyllfa ariannol gyffredinol y Cyngor yn parhau i fod yn gadarnhaol a bod mantolen y Cyngor yn gadarn, er gwaethaf COVID19. Mae'r Cyngor wedi parhau â'i hanes o gyflwyno cyllideb gytbwys a ddarperir drwy strwythur Corfforaethol effeithiol a gefnogir gan y gwasanaeth Cyllid a Chaffael.

Mae'r Cronfeydd Wrth Gefn a Glustnodwyd yn cael eu hadolygu'n rheolaidd ac yn cael eu gosod yn ôl y blaenoriaethau, yr ymrwymadau a'r anghenion posib sy'n codi. Edrychwyd ar hyn ymhellach fel rhan o'r broses Alldro ac mae dadansoddiad llawn o'r Cronfeydd Wrth Gefn a Glustnodwyd i'w weld yn Atodiad 1. At ei gilydd, ar ddiwedd y flwyddyn, mae'r Cronfeydd Wrth Gefn a Glustnodwyd wedi cynyddu i £38.5m (sef 25% o Gyllideb 2021/22).

Mae rheoli deinameg ariannol COVID19 wedi bod yn her ac yn ddwys o ran adnoddau felly mae blwyddyn ariannol 2020/21 wedi bod yn flwyddyn unigryw, na welwyd mo'i thebyg, i'r rhan fwyaf o'r Gwasanaethau. Gwelir yr effaith drwy gostau cynyddol, colli incwm refeniw a chyfuniad o ragor o adnoddau ac ailgyfeirio staff i gefnogi a gweithredu meysydd gweithgarwch newydd. Tua diwedd y flwyddyn ariannol cafwyd llawer mwy o eglurder gan Lywodraeth Cymru o ran ymestyn y meysydd sy'n gymwys am gyllid Caledi, cyhoeddiadau ychwanegol o ran ariannu a bod hawliadau grant yn cael eu hystyried yn gynt ac mewn modd mwy cadarnhaol. Gwerthfawrogwyd a chroesawyd y gydnabyddiaeth hon yn fawr ac mae wedi cyfrannu'n sylweddol at y sefyllfa ariannol well.

2. PERFFORMIAD Y GYLLIDEB NAD YW'N GYSYLLTIEDIG Â COVID-19

Mae'n bwysig nodi na fu effaith ariannol COVID19 yn ddu a gwyn. Er bod effeithiau penodol clir y cyfeirir atynt yn yr adran ar COVID19 yn yr adroddiad hwn, ceir yn ogystal effeithiau mwy cynnil ac anuniongyrchol ledled y rhan fwyaf o wasanaethau. Mae'r rhain, ynghyd â nifer o gyhoeddiadau ariannu ychwanegol a ddaeth yn ystod misoedd Chwefror a Mawrth, wedi helpu i gyfrannu at y sefyllfa derfynol sy'n gadarnhaol ar y cyfan. Mae hyn wedi creu blwyddyn unigryw yn ariannol ac nid yw sefyllfa derfynol y gwasanaethau unigol, gan mwyaf, yn adlewyrchu blwyddyn 'normal' neu 'nodweddiadol'.

Yr unig faes lle gorwariwyd oedd ym model Gydol Oed y Pyrth, lle mae'r sefyllfa derfynol net yn dangos gorwariant o £573k. O fewn y sefyllfa hon mae nifer o amrywiadau oherwydd cymhlethdod ac amrywiaeth y cyllidebau sylfaenol, a'r gwaith parhaus o ddatblygu'r model newydd. Yn y pen draw, defnyddiwyd y tanwariant ym Mhorth Gofal (£950k) a Phorth Cymorth Cynnar (£351k), drwy gronfa wrth gefn wedi'i chlustnodi, i wrthbwysu'r sefyllfa ym Mhorth Cynnal gan fod y tri gwasanaeth yn cydblethu.

Er gwaethaf COVID19, mae cyllidebau dirprwyedig Ysgolion wedi gorffen y flwyddyn mewn sefyllfa gadarnhaol iawn. Ar y cyfan, mae Balansau Ysgolion wedi cynyddu o £2.68m i £6.35m ac nid oes diffyg gan yr un ysgol. Mae'n bwysig nodi fod y sefyllfa hon wedi codi'n bennaf am fod ffrydiau arian ychwanegol wedi dod i law, yn bennaf yn hwyr yn y flwyddyn ariannol (e.e. arian Atgyweirio a Chynnal a Chadw - £978k, arian amrywiol i'r Rhaglen Dysgu Carlam - £1.006m) ac arian grant ychwanegol a oedd yn ddarostyngedig i delerau ac amodau penodol Llywodraeth Cymru. Yn ogystal, daeth mwy o feysydd yn gymwys i gael cyllid Caledi Llywodraeth Cymru ac roedd arbedion yn ymwneud â COVID19 a gadwyd gan yr Ysgolion (e.e. ffioedd arholiadau, costau Cyfleustodau a Thrafnidiaeth). Bydd angen i Gyrrff Llywodraethu ddefnyddio'r adnoddau untro sydd ar gael iddynt yn eu Balansau mewn ffordd ddoeth a darbodus fel rhan o'r gwaith o gyflawni eu bwriadau Addysgol ac i barhau i adfer yn dilyn yr amharu a fu ar Ysgolion yn sgil COVID19. Mae'r Cyngor yn parhau i gefnogi pob Ysgol yn hyn o beth.

Un o ganlyniadau allweddol yr adolygiad diwedd blwyddyn yw creu pedair cronfa wrth gefn a glustnodir, un ar gyfer pob un o'r pedair blaenoriaeth Gorfforaethol. Mae hyn yn dangos yr ymrwymiad ariannol a'r buddsoddiad clir a roddir ar waith i gyflawni'r Blaenoriaethau Corfforaethol:

Enw'r Gronfa newydd	31/03/21 Balans £'000	Prif Ymrwymadau
Buddsoddi yn Nyfodol y Bobl *	5,438	Arian cyfatebol Ysgolion yr 21ain Ganrif
Hybu'r Economi	4,510	Tyfu Canolbarth Cymru / Strategaeth Economaidd
Galluogi Cydnerthedd Unigolion a Theuluoedd	500	Model Gydol Oed y Pyrth
Hyrwyddo Cydnerthedd Amgylcheddol a Chymunedol *	4,450	Arian cyfatebol Amddiffyn yr Arfordir, Clefyd Coed Ynn, mentrau'r Strategaeth Garbon

** Mae'n cynnwys elfennau o'r cronfeydd Cyfalaf Corfforaethol a Datblygu Addysg.*

Mae'r ddalen nesaf yn dangos yr alldro cyllideb reoladwy ar gyfer pob Gwasanaeth:

Swyddog Arweiniol Corfforaethol /Gwasanaeth	2020/21 Cyllideb ddiweddraf £'000	2020/21 Gwirioneddol £'000	Tan/ (Gor) wariant £'000	Sylw
Gwasanaethau Democraidd Cyllid a Chaffael	3,945 20,881	3,957 20,858	(12) 23	Dim mater o bwys i'w adrodd. Mae llai o angen benthyg sy'n golygu costau llog is, arbedion staffio, arbedion cost Yswiriant, rhagor o gyllid COVID19 ynghyd â llai o fynd ar y gyllideb Diswyddo. Drwy hyn llwyddwyd i roi arian naill ochr ar gyfer etholiad Mai 2022 (£200k), i'r gronfa wrth gefn (gan gynnwys COVID19) (£750k), i'r gronfa Cyfalaf Corfforaethol wrth gefn (£350k) ac i greu'r gronfa newydd Cydnerthedd Unigolion a Theuluoedd (£500k).
Cyswllt â Chwsmeriaid	5,588	5,445	143	Dim mater o bwys i'w adrodd.
Cyfreithiol a Llywodraethu	1,532	1,476	56	Dim mater o bwys i'w adrodd.
Polisi, Perfformiad a Diogelu'r Cyhoedd	2,205	2,178	27	Y prif achos o bryder yw'r gwaith sy'n mynd rhagddo i adfer Tir a Halogwyd.
Pobl a Threfniadaeth	2,071	2,007	64	Dim mater o bwys i'w adrodd.
Priffyrdd a Gwasanaethau Amgylcheddol	16,334	16,305	29	Mae cyllid ychwanegol gan Lywodraeth Cymru wedi cyfrannu'n sylweddol at danwariant ar Briffyrdd a'r gwaith cynnal a chadw cysylltiedig (£726k) a llai o gostau Goleuadau Stryd (£153k) a Thrafnidiaeth (£184k), ynghyd â chyfuniad o lai o gostau a grant ychwanegol gan Lywodraeth Cymru ar gyfer Gwastraff (£316k). Yn sgil hyn llwyddwyd i neilltuo cronfa wrth gefn o £1.45m i gefnogi mentrau Amgylcheddol a Chydnerthedd Cymunedol gan gynnwys Clefyd Coed Ynn a buddsoddiadau at y dyfodol sy'n ymwneud â'r Strategaeth Garbon.
Economi ac Adfywio	3,269	3,276	(7)	Mae tanwariant o wahanol feysydd ledled y gwasanaeth wedi'i ddefnyddio i gynyddu'r gronfa wrth gefn newydd 'Hybu'r Economi' gan £400k arall.
Model Gydol Oed y Pyrth				Mae'r prif feysydd o orwariant yn ymwneud â Thaliadau Uniongyrchol (£959k) a Gwelyau i Bobl Hŷn yn y Sector Annibynnol (£813k) sydd ill dau o dan Borth Cynnal, wedi'i gydbwyso â thanwariant ym Mhorth Gofal [£950k – yn bennaf Gofal Cartref (£420k), Tai (£150k) a Digartrefedd (£212k)] a Phorth Cymorth Cynnar [£351k – yn bennaf Canolfannau Lles (£130k) a Gwasanaethau Ymyrraeth Gynnar (£157k)].
Ysgolion a Diwylliant				
Ysgolion a Diwylliant (Awdurdod Addysg Lleol)	6,799	6,786	13	Tanwariant o fewn Gwella Ysgolion (£353k), Anghenion Dysgu Ychwanegol (£531k) ac Arlwyo Corfforaethol (£289k) sy'n deillio'n bennaf o gyfuniad o arbedion Staff, incwm uwch o Godi Tâl rhwng Awdurdodau, arbedion Offer a Thrafnidiaeth ynghyd â chyllid grant ychwanegol. Mae hyn wedi galluogi £1.25m i gael ei roi naill ochr ar gyfer prosiectau cyfalaf at y dyfodol sy'n gysylltiedig ag Ysgolion. Mae cynnydd - o £3.7m - ym Malansau Ysgolion hefyd.
Cyllidebau Dirprwyedig Ysgolion	42,074	42,075	(1)	
	48,873	48,861	12	

Ardollau, Premiwm Treth y Cyngor a Chronfeydd wrth gefn	4,806	4,475	331	Dim mater o bwys i'w adrodd. £186k wedi'i drosglwyddo i gronfa Premiwm Treth y Cyngor (ar ôl caniatáu ar gyfer ad-daliadau Treth y Cyngor i dai sy'n trosglwyddo i Ardrethi Annomestig).
Grŵp Arweiniol	6,958	6,938	20	Gweler adran COVID19 yr adroddiad.
Cyfanswm y Gyllideb Reoladwy	151,233	151,120	113	
Gwarged Treth y Cyngor			376	
Yr Alldro Terfynol			489	

3. PERFFORMIAD CYLLIDEB COVID19

Drwy gydol y flwyddyn bu'n rhaid i'r gwasanaeth Cyllid a Chaffael fynd i'r afael â nifer o sefyllfaoedd ariannol deinamig. Bu'r rhain yn cynnwys nid yn unig effaith gyfnewidiol COVID19 ond hefyd y cyhoeddiadau ariannu a wnaed tuag at ddiwedd y flwyddyn ariannol - cyhoeddwyd dros £5m o gyllid rhwng dechrau Chwefror a diwedd mis Mawrth. Penderfynodd y Grŵp Rheoli Aur yn gynnar iawn y byddai cost COVID-19 yn cael ei hysgwyrddo ar y cyd yn gorfforaethol ar draws y Cyngor, felly mae'r rhan fwyaf o elfennau y cyfeirir atynt yn yr adran hon wedi'u cyfrif o dan bennawd Cyllideb y Grŵp Arweiniol.

Mae'r adran ddilynol yn crynhoi'r sefyllfa parthed y prif agweddau sy'n benodol i COVID19:

a) Costau Cynyddol COVID19 a Chronfa Galedi Frys Llywodraeth Cymru

Yn ogystal â bod yn gronfa gyffredinol, mae Cronfa Galedi Frys Llywodraeth Cymru i Awdurdodau Lleol hefyd yn cynnwys rhannau penodol gan gynnwys Gofal Cymdeithasol i Oedolion, Prydau Ysgol am Ddim, Corff Dai Dros Dro a Digartrefedd. Yn ystod 2020/21, cyflwynwyd hawliadau caledi misol gwerth cyfanswm o £8.4m i Lywodraeth Cymru, gan dderbyn £8.1m o grant sef cyfradd hawlio o 96% (mae hyn yn cynnwys amcangyfrif £0.7m ar gyfer eitemau sy'n weddill ac sydd gyda Llywodraeth Cymru o hyd). Mae hyn, ynghyd â chostau eraill nad oedd yn gymwys, yn golygu bod cost net o £553k i'r Cyngor am y flwyddyn.

Yn ogystal, mae Llywodraeth Cymru wedi darparu £354k i helpu gyda chostau uwch cynllun Gostyngiadau Treth y Cyngor, lle mae'r gwariant gros wedi codi i £6.3m o gymharu â £5.7m yn 2019/20. (Sylwer bod y gyllideb hon i'w gweld o dan Gyllid a Chaffael).

b) Incwm a Gollwyd yn y Gwasanaethau

Mae'r effaith yn parhau ar nifer fawr o ffrydiau incwm ar draws y Cyngor a'r prif wasanaethau yr effeithir arnynt yw Meysydd Parcio, Arlwygo mewn Ysgolion a Hamdden. Yn dilyn yr hawliadau chwarterol, mae Llywodraeth Cymru wedi darparu cyfanswm o £4.8m ar gyfer Incwm a Gollwyd. Ar y cyfan, mae'r cyllid hwn wedi gwneud yn iawn am yr incwm a gollwyd yn y Gwasanaethau.

c) Manteision Ariannol

Er bod y rhan fwyaf o effeithiau ariannol sy'n gysylltiedig â COVID-19 yn negyddol, ceir rhai meysydd lle gwelwyd arbedion clir. Ymdriniwyd â'r prif benawdau cyllidebol hyn yn gorfforaethol, gan ganoli'r arbedion drwy symudiadau o fewn y gyllideb.

Pennawd Cyllidebol	Arbedion £'000
Costau Teithio Swyddogion/ Aelodau	681
Costau cyfleustodau ar gyfer adeiladau sydd ar gau yn rhannol / ar gau yn llwyr	226
Office 365	45
Casglu arian parod / Costau postio / Taliadau Banc / Uniflow	21
Trafnidiaeth o'r Cartref i'r Ysgol	454
Costau Tanwydd	149

Yn ogystal, mae Llywodraeth Cymru wedi darparu cyllid wedi'i glustnodi o £1.2m i gydnabod effaith COVID19 ar y cynlluniau cyflawni arbedion a hefyd ar y siwrne Trawsnewid Digidol. Derbyniwyd ffioedd hefyd mewn perthynas â gweithredu a rheoli gwahanol gynlluniau grant gwerth cyfanswm o £0.5m.

d) Casglu Treth y Cyngor

Y gyfradd gasglu derfynol ar gyfer 2020/21 oedd 96.7%, o gymharu â 97.4% ar gyfer 2019/20. Yn ogystal â chyfradd is yn y flwyddyn, gwelir effaith ôl-ddyledion na chasglwyd ym malansau'r blynyddoedd blaenorol. Felly, er y bu Gwarged Treth y Cyngor yn ystod y flwyddyn (yn bennaf oherwydd cynnydd yn nifer yr anheddau a oedd yn fwy na'r hyn a dybiwyd), mae'r Cyngor wedi gorfod neilltuo rhagor i ddarparu ar gyfer dyledion drwg. Mae Llywodraeth Cymru wedi darparu cyllid o £575k i gynorthwyo gyda hyn.

Y sefyllfa derfynol mewn perthynas ag effaith benodol a sylweddol COVID19 yw bod y Cyngor, at ei gilydd, wedi gallu rheoli'r sefyllfa ariannol o fewn yr adnoddau sydd ar gael. Mae hyn yn bennaf oherwydd cymeradwywyd mwy o hawliadau grantiau a chyhoeddodd Llywodraeth Cymru arian ychwanegol a groesawyd yn fawr, yn enwedig tua diwedd y flwyddyn. Fel rhan o'r sefyllfa Alldro, ac yn sgil ymdrin â'r arbedion yn gorfforaethol ac effaith y cyllid ychwanegol a gafwyd, llwyddwyd i gyfrannu i gronfa wrth gefn Hybu'r Economi, i'r gronfa Gyllid wrth gefn (Cyffredinol), ac i'r gronfa wrth gefn/*Contingency* (gan gynnwys COVID19). Bydd y gronfa olaf yna yn cynnig rhagor o wytnwch wrth inni symud ymlaen, o gofio ein bod yn parhau i fod mewn cyfnod ansicr.

4. CYNLLUNIAU ERAILL LLYWODRAETH CYMRU SY'N YMWNEUD Â COVID

Mae yna ystod o gynlluniau cenedlaethol sydd wedi gorfod cael eu gweithredu ar lefel leol. Hyd yn hyn fe'u cyflawnwyd yn bennaf drwy adleoli staff presennol a thrwy flaenoriaethu'r ffrydiau gwaith hyn dros weithgarwch arall. Cyllidwyd y cynlluniau hyn yn llawn gan Lywodraeth Cymru a dyma'r rhai mwyaf nodedig isod:

Rhyddhad Ardrethi Busnes NNDR (yr Ardreth Annomestig Genedlaethol) ar gyfer y sectorau Hamdden, Manwerthu a Lletygarwch	Dyfarwyd £9.1m o ryddhad NNDR ar gyfer 2020/21 a dyfarwyd £8.5m pellach ar gyfer 2021/22.
Grantiau Busnes COVID-19 yr NNDR (Mawrth 2020)	Talwyd £28.5m o grantiau NNDR - cynllun wedi cau
Grantiau Busnes y Cyfnod Clo Byr (Hydref 2020)	Talwyd £4.3m o grantiau - cynlluniau NNDR a Disgresiwn wedi cau.
Grantiau Busnes y Gronfa Gyfyngiadau (Rhagfyr 2020 ac amrywiol estyniadau)	Talwyd £16.2m o grantiau - cynlluniau NNDR a Disgresiwn wedi cau.
Grantiau Busnes i gychwyn busnes	Talwyd £158k o grantiau - cynllun wedi cau.

Grant Darparwyr Gofal Plant	Talwyd £21k o grantiau - cynllun wedi cau.
£500 i Ofalwyr	Talwyd £878k i dros 1,500 o Ofalwyr - cynllun wedi cau.
£500 Cynllun Cymorth Hunanynysu	£45k o daliadau hyd yma – cynllun ar agor tan 30/06/21 fel y mae ar hyn o bryd
Cronfa i Ddarparwyr Gofal Cymdeithasol i Oedolion	Mae'n rhan o gyllid Cronfa Galedi Llywodraeth Cymru ond roedd angen sefydlu cynllun grant penodol ar gyfer Darparwyr – mae hwn yn rhedeg hyd 30/06/21 ar hyn o bryd ond disgwylir iddo gael ei ymestyn.
Cynllun hybu tâl salwch statudol Gofalwyr	£23k o daliadau hyd yma – cynllun ar agor tan 30/09/21
£735 i Ofalwyr	Talwyd £585k hyd yma i dros 800 o Ofalwyr. Mae'r cynllun hwn dal yn fyw ac mae'r taliadau wrthi'n cael eu gwneud.
Cynllun Grant Gweithwyr Llawrydd Celfyddydol	Camau 1 a 2: Talwyd £475k o grantiau. Mae'r Gronfa Newydd i weithwyr llawrydd newydd gau (21 Mehefin) ac asesir y ceisiadau ar hyn o bryd
Grantiau Busnes Disgresiwn y Gronfa Cadernid Economaidd	Mae'r cynllun ar agor tan 30/06/21 ac asesir y ceisiadau sydd wedi dod i law

Yn ogystal â'r rhain, mae nifer fawr o grantiau penodol sy'n gysylltiedig â COVID y bu'n rhaid eu cyflenwi. Yn eu plith mae Profi Orlhain a Diogelu (Orlhain Cysylltiadau), Ysbytai Maes Dros Dro, Canolfan Frechu, Parseli Bwyd, cyllid brys o ran Bysiau, cyllid i'r sector diwylliannol, grantiau amrywiol sy'n ymwneud ag Addysg a Phrifyrdd, a Grantiau'r Gronfa Gyfalaf i Fusnesau Bach. At ei gilydd, mae dros 30 o gynlluniau grant ychwanegol sy'n gysylltiedig â COVID19 wedi cael cefnogaeth gan y gwasanaeth Cyllid a Chaffael.

5. CASGLIAD

Bu 2020/21 yn flwyddyn gwbl unigryw na welwyd mo'i thebyg o'r blaen. Mae perfformiad y gyllideb ar gyfer 2020/21 wedi bod yn gadarnhaol iawn ar y cyfan, er gwaethaf yr heriau a gafwyd yn ystod y flwyddyn a'r pryderon gwirioneddol yn ystod rhan gyntaf y flwyddyn pan nad oedd eglurder i ddechrau ynglŷn â chyllid. Er bod sefyllfa ariannu COVID19 wedi bod yn heriol ar adegau, mae Llywodraeth Cymru wedi clywed llais Llywodraeth Leol yn bennaf o safbwynt ariannol, a daeth cyllid sylweddol oddi wrth Lywodraeth Cymru a chafwyd deialog adeiladol gyda swyddogion Llywodraeth Cymru.

Mae model Gydol Oed y Pyrth dal wrthi'n datblygu a thrawsnewid sy'n golygu bod y meysydd cyllideb Gofal Cymdeithasol dwys yn dal yn debygol o gynnig heriau i'r gyllideb yn y tymor byr. Er hynny, mae'r sefyllfa Alldro wedi galluogi rhagor o fuddsoddi yn y pedair Blaenoriaeth Gorfforaethol, sy'n gam sylweddol ymlaen o ran medru cyflawni'r rhain. Yn ogystal, mae'r Ysgolion yn gyffredinol mewn sefyllfa ariannol gadarn a gwydn.

Serch hynny, bydd y Cyngor yn wynebu heriau ariannol parhaus at y dyfodol, yn enwedig os na fydd y setliadau Llywodraeth Leol a wneir gan Lywodraeth Cymru yn gwella'n sylweddol ar y sefyllfa yn 2021/22 neu os cwtogir ar gyllid COVID19 Llywodraeth Cymru yn rhy fuan. Er hynny, serch y pandemig, mae'r Cyngor wedi llwyddo i ddod drwyddi ac mae'n parhau i fod yn gadarn yn ariannol.

A oes Asesiad Effaith Integredig wedi ei wneud? Nac oes.

Os na, esboniwch pam Mae'r adroddiad er gwybodaeth.

Llesiant Dyfodol:	Cenedlaethau'r	Crynodeb:	
		Hirdymor:	Ddim yn berthnasol
		Integreiddio:	Ddim yn berthnasol
		Cydweithio:	Ddim yn berthnasol
		Cynnwys:	Ddim yn berthnasol
		Atal:	Ddim yn berthnasol

Argymhelliad: I nodi'r adroddiad

Rheswm dros y penderfyniad: Dim angen un

Trosolwg a Chraffu: Ystyriwyd yn ystod y broses o bennu'r gyllideb

Fframwaith Polisi: Strategaeth Ariannol Tymor Canolig

Blaenoriaethau Corfforaethol: Mae'r gyllideb yn cefnogi Amcanion Strategol y Cyngor

Goblygiadau Ariannol: Yn cydymffurfio

Pwerau Statudol: Deddf Cyllid Llywodraeth Leol 1972

Papurau Cefndirol: Cyllideb Refeniw 2020/21

Atodiadau: Atodiad 1 – Cronfeydd Wrth Gefn a Glustnodwyd

Swyddog Corfforaethol: **Arweiniol** Steve Johnson

Swyddogion Adrodd: Duncan Hall a Justin Davies

Dyddiad: 18/06/2021

DATGANIAD O'R CRONFEYDD WRTH GEFN A GLUSTNODWYD A'R BALANSAU CYFFREDINOL

Atodiad 1

	31/03/20	2020/21	2020/21 Gwir	2020/21 Y	31/03/21
	Gwir Falansau £'000	Y symud ar y Balansau Agoriadol £'000	Drosglwyddia dau (i)/wrth y Cronfeydd wrth gefn £'000	Trosglwyddia d Terfynol i'r Balansau Cyffredinol £'000	Gwir Falansau £'000
Cyllidebau Dirprwyedig Ysgolion - Cynradd	(1,521)	-	(1,514)	-	(3,035)
Cyllidebau Dirprwyedig Ysgolion - Uwchradd	(640)	-	(1,233)	-	(1,873)
Cyllidebau Dirprwyedig Ysgolion - Gydol Oed	(519)	-	(922)	-	(1,441)
Yswiriant - Cyflenwi	(149)	-	(148)	-	(297)
Gwasanaeth Ysgolion a Diwylliant	(407)	-	11	-	(396)
Ysgolion a Diwylliant	(3,236)	-	(3,806)	-	(7,042)
Cyfalaf Gorfforaethol	(4,252)	1,890	(863)	-	(3,225)
Cyfalaf Gorfforaethol - Cerbydau newydd	(1,110)	1,110	-	-	-
Addysg PFI Penweddig	(1,459)	-	536	-	(923)
Corfforaethol - Trefniadau ar y cyd	(8)	-	-	-	(8)
Cyllid / cyfartalu CTRS	(700)	-	-	-	(700)
Diswyddiadau Corfforaethol	(1,062)	-	-	-	(1,062)
Yswiriant	(501)	-	(387)	-	(888)
Cyllid - Cyffredinol	-	-	(250)	-	(250)
Cyllid a Chaffael	(9,092)	3,000	(964)	-	(7,056)
Gwasanaethau Democraidaidd	(112)	-	-	-	(112)
Cronfa wrth gefn etholiad y Cyngor Sir	-	-	(200)	-	(200)
Gwasanaethau Democraidaidd	(112)	-	(200)	-	(312)
Pobl a Threfniadaeth	(58)	-	-	-	(58)
Pobl a Threfniadaeth	(58)	-	-	-	(58)
Porth Cymorth Cynnar	(2)	-	-	-	(2)
Porth Gofal	(222)	-	(117)	-	(339)
Model Gydol Oed y Pwrth	(224)	-	(117)	-	(341)
Polisi, Perfformiad a Diogelu'r Cyhoedd	(102)	-	-	-	(102)
Polisi, Perfformiad a Diogelu'r Cyhoedd	(102)	-	-	-	(102)
Prifffyrdd a Gwasanaethau Amgylcheddol	(80)	-	(1,213)	-	(1,293)
Cynnal a Chadw dros y Gaeaf/ Atgyweirio ar ôl Stormydd	(277)	-	-	-	(277)
Amddiffyn Amgylcheddol a rhag Llifogydd	(177)	-	-	-	(177)
Gorfodi Sifil - Parcio	(93)	-	-	-	(93)
Prifffyrdd a Gwasanaethau Amgylcheddol	(627)	-	(1,213)	-	(1,840)
Adeiladau ac Ynni Adnewyddadwy	(67)	67	-	-	-
Cynllun Datblygu Lleol	(248)	-	-	-	(248)
Economi ac Adfywio	(177)	-	-	-	(177)
Canolfan Fwyd Cymru (Horeb)	(217)	-	-	-	(217)
Y Fargen Dwf	(250)	-	-	-	(250)
Rhaglen Wella Gwaith Trin Carthffosiaeth	(543)	-	-	-	(543)
Economi ac Adfywio	(1,502)	67	-	-	(1,435)
Cyswllt â Chwsmeriaid	(134)	-	-	-	(134)
Cyswllt â Chwsmeriaid	(134)	-	-	-	(134)
Cyfreithiol a Llywodraethu	(125)	-	-	-	(125)
Cyfreithiol a Llywodraethu	(125)	-	-	-	(125)
Wrth gefn/ Contingency (gan gynnwys COVID19)	(1,500)	-	(2,873)	-	(4,373)
Premiwm Treth y Cyngor	(462)	-	(186)	-	(648)
Eisteddfod Genedlaethol 2020	(170)	-	-	-	(170)
Buddsoddi yn Nyfodol y Bobl	(4,781)	-	(656)	-	(5,437)
Hybu'r Economi	-	(67)	(4,443)	-	(4,510)
Galluogi Cydnerthedd Unigolion a Theuluoedd	-	-	(500)	-	(500)
Hyrwyddo Cydnerthedd Amgylcheddol a Chymunedol	-	(3,000)	(1,450)	-	(4,450)
Grŵp Arweiniol	(6,913)	(3,067)	(10,108)	-	(20,088)
Cyfanswm y Cronfeydd Wrth Gefn a Glustnodwyd	(22,125)	-	(16,408)	-	(38,533)
Balansau Cyffredinol	(5,563)	-	-	(489)	(6,052)
CYFANSWM TERFYNOL	(27,688)	-	(16,408)	(489)	(44,585)